



Ciorclán 0047/2017

Chuig: Údaráis Bhainistíochta Mheánscoileanna, Phobalscoileanna agus Scoileanna Cuimsitheacha Aitheanta agus Príomhfheidhmeannaigh na mBord Oideachais agus Oiliúna

Scéim Mhaoirseachta agus Ionadaíochta – Glac-rogha agus Scar-rogha

Comhaontú Bhóthar Lansdúin

Réamhrá

1. Is í aidhm na hmlitreach seo ná Údaráis Bhainistíochta, na Boird Oideachais agus Oiliúna, na Príomhoidí agus na Múinteoirí a chur ar an eolas faoi na leasuithe ar an Scéim Mhaoirseachta agus Ionadaíochta atá le teacht i bhfeidhm ó 1 Meán Fómhair 2017, ag eascairt as comhaontú idir An Roinn Oideachais agus Scileanna agus AMÉ agus CMMÉ i mí na Samhna 2016 agus Comhaontú Cobhsaíochta na Seirbhíse Poiblí 2013 – 2018 (Comhaontú Bhóthar Haddington/Comhaontú Bhóthar Lansdúin).
2. Mar atá luaite i gCiorclán 0006/2014, le feidhm ó thús na scoilbhliana 2013/14, tá an rannpháirtíocht sa scéim Mhaoirseachta agus Ionadaíochta éigeantach do na múinteoirí uile, ach amháin dóibh siúd a roghnaíonn leas a bhaint as an socrúchán scar-rogha diúltaithe faoin gCiorclán sin.
3. Faoi Chomhaontú Bhóthar Lansdúin agus an comhaontú a tharla idir an Roinn Oideachais agus Scileanna agus AMÉ agus CMMÉ i mí na Samhna 2016, tá scar-rogha breise ón scéim Maoirseachta agus Ionadaíochta á cur ar fáil do mhúinteoirí a chomhlíonann na critéir a leagtar amach sa Chiorclán seo agus a chlúdaítear faoi Chomhaontú Bhóthar Lansdúin – féach Cuid A den Chiorclán seo.
4. Mar aon le téarmaí na gcomhaontaithe, i gcás múinteoirí a roghnaigh roimhe seo scaradh le rannpháirtíocht éigeantach sa scéim Maoirseachta agus Ionadaíochta faoi [Chiorclán 0006/2014](#), beidh sé de rogha acu a bheith sa scéim Maoirseachta agus Ionadaíochta arís – féach Cuid B den Chiorclán seo.
5. Chun éiginnteacht a sheachaint, i gcás gur scar múinteoir ó dhualgais M&I le héifeacht ó 1 Eanáir 2014 faoi [Chiorclán 0006/2014](#), fanann an scar-rogha sin i bhfeidhm ach amháin má roghnaíonn an múinteoir sin glacadh arís leis an scéim M&I faoi téarmaí an Chiorcláin seo.

6. Ionas gur féidir an scar-rogha/ghlac-rogha a bheith i bhfeidhm ó 1 Meán Fómhair 2017, is gá do mhúinteoirí ar mian leo an scar-rogha/ghlac-rogha a chur i bhfeidhm foirm iarratais a chur chuig Príomhoide a scoile a luaithe agus is féidir agus faoin **Aoine 11 Lúnasa 2017** ar a dhéanaí. Má tharláionn nach féidir le múinteoir incháilithe leas a bhaint as an deis rogha a dhéanamh i rith an tsamhraidh, is féidir le hathbhreithniú tarlú i mí Mheán Fómhair maidir le deis eile do scar-rogha/ghlac-rogha le linn na scoilbhliana.
7. Tá an scar-rogha/ghlac-rogha atá sa Chiorclán seo ar fáil do gach múinteoir incháilithe, ar a n-áirítear iad siúd atá clúdaithe sa deis don scar-rogha/ghlac-rogha a tharla cheana mar atá i gCiorclán 0041/2017.

Dáileadh agus Fiosruithe

8. Bí cinnte go gcuirtear cóipeanna den Chiorclán ar fáil do gach ball den Bhord Bainistíochta/ den Bhord Oideachais agus Oiliúna agus go ndírítear aird gach múinteora ar an gCiorclán, ar a n-áirítear iad siúd atá ar thréimhse neamhláithreachta.
9. Is féidir teacht ar an gCiorclán seo trí shuíomh gréasáin na Roinne, faoi <http://www.education.ie>
10. Ba chóir aon cheisteanna a chur faoi bhráid bhainistíocht na scoile ar dtús, agus d'fhéadfadh gur mian leo siúd dul i gcomhairle lena n-eagraíocht ionadaíoch bainistíochta /BOO. Is féidir aon cheisteanna breise a chur chuig an ríomhphost seo a leanas: Lraqueries@education.gov.ie

Padraig Maloney
An Rannóg Párolla
22 Meitheamh 2017

CUID A – SCAR-ROGHA ÓN SCÉIM MAOIRSEACHTA AGUS IONADAÍOCHTA

11. Féadfaidh duine atá fostaithe mar mhúinteoir i bpost Oireachtas-mhaoinithe le linn scoilbhliain 2016/17 agus a bhfuil ar a laghad 15 bliana de sheirbhís mhúinteoireachta i bpoist Oireachtas-mhaoinithe aige nó aici ag tosach na scoilbhliana 2017/18, a roghnú scaradh leis an gceanglas dualgais mhaoirseachta agus ionadaíochta a chomhlíonadh. D'fhonn an ceanglas 15 bliana seirbhíse múinteoireachta a chomhlíonadh, ní mór don duine, ar a laghad:
 - o a bheith tosaithe sa bhfostaíocht mar mhúinteoir i bpost Oireachtas-mhaoinithe ag tosach na scoilbhliana 2002/03 nó roimhe sin; agus
 - o a bheith fostaithe go leanúnach i bpoist Oireachtas-mhaoinithe ó thosach na scoilbhliana 2002/03¹.
12. Beidh feidhm leis an scar-rogha ó 1 Meán Fómhair 2017.
13. Má roghnaíonn múinteoir an socrú seo, ní bheidh air/uirthi dualgais M&I a chomhlíonadh agus cuirfear laghdú i bhfeidhm ar a t(h)uarastal ó 1 Meán Fómhair 2017 ar bhonn leanúnach go dtí go scoirfidh an duine sin. €1,769 a bheidh sa laghdú seo amhail ag 1 Meán Fómhair 2017 agus athróidh sé dá éis sin de réir athruithe ar thuarastail múinteoirí. Ba chóir a thabhairt faoi deara go mbeidh dá réir, mar thoradh ar an socrú seo a roghnú, go laghdófar cnapshuim scoir agus pinsean an mhúinteora tar éis dó/di dul ar scor (ach amháin sa chás go scoireann múinteoir ar nó roimh 1 Aibreán 2019 mar a leagtar amach i mír 17 thíos).
14. I gcás go roghnaíonn múinteoir an socrú scar-rogha seo agus go bhfuil luach saothair bliantúil €65,000 nó níos mó aige nó aici (lena n-áirítear liúntais i bhfoirm íocaíochta) agus gur laghdaíodh a phá nó a pá, leanfaidh na bearta maolaithe íslithe pá atá i gComhaontú Bhóthar Haddington d'fheidhm a bheith acu (féach Ciorclán [0005/2014](#)). Beidh feidhm freisin áfach ag an laghdú ar thuarastal a leagtar amach i mír 13 thuas, fiú i gcásanna go laghdaíonn laghdú den chineál sin a thuarastal/a tuarastal faoi bhun €65,000.
15. Tá an scar-rogha do-chúlghairthe agus, tar éis do mhúinteoir roghnú amhlaidh ní féidir le múinteoir roghnú arís chun dualgais M&I a chomhlíonadh. Má ghlac múinteoir gealltanais roimhe seo tabhairt faoi M&I ar bhonn inphinsin agus go roghnaíonn an múinteoir sin anois scaradh le dualgais M&I a chomhlíonadh faoin gCiorclán seo, caillfidh an múinteoir sin inphinsinacht i leith aon M&I ar tugadh fúthu roimhe seo (ach amháin má théann múinteoir ar scor ar nó roimh 1 Aibreán 2019 mar a leagtar amach i mír 17 thíos). Thairis sin, ní bheidh an múinteoir i dteideal go n-aisíocfaí na ranníocaíochtaí pinsin a íocadh ar airgead a fuarthas mar íocaíocht ar M&I do thréimhse an ghealltanais.
16. Nuair a aisghabhtar na lagduithe tuarastail do lucht ardioncaim agus nuair a chuirtear an dara cuid M&I de €796 san áireamh sa Bhunscála Comónta (féach Ciorclán [0005/2014](#)), cuirfear na bearta seo i bhfeidhm freisin ar mhúinteoir a roghnaigh scaradh le dualgais M&I. Leanfaidh an laghdú ar thuarastal a leagtar amach i mír 13 thuas d'fheidhm a bheith aige maidir lena t(h)uarastal nó lena tuarastal ar bhonn leanúnach go dtí aois scoir agus dá réir sin laghdófar an cnapshuim scoir agus an pinsean tar éis dó/di dul ar scor (ach amháin sa chás go scoireann múinteoir ar nó roimh 1 Aibreán 2019 mar a leagtar amach i mír 17 thíos).
17. Tabharfar neamhaird ar an laghdú tuarastail a leagtar amach i mír 13 thuas don aoisliúntais i gcás, múinteora a bheidh ag dul ar scor ar nó roimh 1 Aibreán 2019, go

¹ Ba chóir, ina leith seo, breathnú ar thréimhsí saoire gan phá mar sheirbhís leanúnach nach gcruthaíonn briseadh sa tseirbhís leanúnach

ríomhfar a s(h)ochair aoisliúntas de réir na scálaí pá agus na liúntas inphinsin a mbeidh feidhm leo do nó di ar 30 Meitheamh 2013.

18. Ní mór do mhúinteoir incháilithe ar mian leis nó léi an scar-rogha a fheidhmiú an fhoirm in Aguisín 1 a chomhlánú agus a chur chuig Príomhoide a scoile/ Ceann an Ionaid ar an gcéad dul síos. Is é an spriocdháta chun foirmeacha a chur isteach ná an **Aoine, 11 Lúnasa 2017**. Ba cheart don mhúinteoir cóip den fhoirm chomhlánaithe a choimeád. Beidh aon iarratais a fhaigheann an Príomhoide / Ceann an Ionaid tar éis an spriocdháta atá luaite sa Chiorclán seo neamhbhailí agus ní ghníomhófar ina leith. Tá an múinteoir ar leith freagrach as a chinntiú go gcuirtear an t-iarratas comhlánaithe ar ais chuig an bPríomhoide/ chuig Ceann an Ionaid faoin spriocdháta. Ní féidir leis an Roinn/leis an mBord Oideachais agus Oiliúna aon fhreagracht a ghlacadh as foirm a chuireann múinteoir ar ais go déanach.
19. Ba cheart do Phríomhoidí scoileanna Bhoird Oideachais agus Oiliúna / Cinn Ionaid na foirmeacha a chur sa phost chuig rannóg Acmhainní Daonna an Bhoird Oideachais agus Oiliúna a luaithe agus faoin **Aoine 25 Lúnasa 2017** ar a dhéanaí. Ba cheart don scoil cóip den fhoirm chomhlánaithe a choimeád.
20. Ba cheart do Phríomhoidí Iarbhunscoileanna Deonacha agus Phobalscoileanna & Scoileanna Cuimsitheacha na foirmeacha a chur ar an bpost chuig:

Foirmeacha Scar-Rogha na Scéime M&I,
Párolla Múinteoirí Iarbhunscoile,
An Roinn Oideachais agus Scileanna,
Corr na Madadh,
Baile Átha Luain,
Co. na hIarmhí

a luaithe is féidir agus ar a dhéanaí faoin **Aoine 25 Lúnasa 2017**. Ba cheart don scoil cóip den fhoirm chomhlánaithe a choimeád.

21. Má roghnaíonn múinteoir scaradh le dualgais M&I, déanfar méid ionann agus an liúntas maoirseachta agus ionadaíochta a dháileadh ar scoil/BOO an mhúinteora le héifeacht ón 1 Meán Fómhair 2017 **ar mhaithe le soláthar dualgais M&I amháin de réir na socruithe réamh-1 Iúil 2013**. Ní féidir an dáileadh seo a úsáid chun íoc as múinteoirí lánaimseartha nó as múinteoirí a roghnaigh scaradh le dualgais M&I chun M&I a dhéanamh ar bhonn ócáideach/ neamh-inphinsin.

CUID B – GLAC-ROGHA SA SCÉIM MAOIRSEACHTA AGUS IONADAÍOCHTA

22. Faoi Chiorclán [0006/2014](#), ceadaíodh do mhúinteoirí áirithe rogha a dhéanamh scaradh leis an gceanglas éigeantach dualgais mhaoirseachta agus ionadaíochta a chomhlíonadh le héifeacht ó thús scoilbhliain 2013/14.
23. Tá deis aonuaire anois ag múinteoirí a bhain leas as an scar-rogha sin, rogha a dhéanamh an scéim M&I a ghlacadh arís ar bhonn inphinsin.
24. Is do na múinteoirí seo a leanas amháin a bheidh an ghlac-rogha ar fáil:
 - (i) múinteoirí a bhí i seirbhís i scoilbhliain 2012/13 agus atá i seirbhís fós i scoilbhliain 2016/17; agus
 - (ii) múinteoirí nach raibh M&I ar siúl ar bhonn inphinsin acu an uair sin i scoilbhliain 2012/13; agus
 - (iii) múinteoirí a shínigh rogha scar-rogha go foirmeálta faoi Chiorclán [0006/2014](#) lenar roghnaigh siad scaradh le dualgais M&I le héifeacht ó 1 Eanáir 2014;ar choinníoll go bhfuil na múinteoirí sin ábalta dualgais M&I a dhéanamh anois go ceann 10 mbliana ar a laghad sula dtéann siad ar scor.
25. Beidh éifeacht leis an nglac-rogha ón 1 Meán Fómhair 2017.
26. Beidh ar mhúinteoir a roghnóidh a bheith páirteach sa scéim arís dualgais M&I a chomhlíonadh agus déanfar an laghdú tuarastail a bhain leis an scar-rogha a aisghabháil ina t(h)uarastal le héifeacht ón 1 Meán Fómhair 2017.
27. Tá ranníocaíochtaí pinsin iníoctha ar an tuarastal iomlán a aisghabhálfar. Is ar bhonn inphinsin a bheidh an ghlac-rogha sa chás amháin go gcomhlíonann an múinteoir dualgais M&I go ceann 10 mbliana ar a laghad roimh scor agus is ar bhonn neamhinphinsin a bheidh sí i gcás nach gcomhlíonann an múinteoir an ceanglas seirbhíse 10 mbliana seo. Sa chás, ag am scoir, nach sásófar an ceanglas chun dualgais M&I a chomhlíonadh go ceann 10 mbliana, déanfar ríomh an tuarastail do shochair aoisliúntais a choigeartú chun an méid cuí a eisiáimh i leith M&I (€1796 nó €1592). Mar aon leis sin, ní aisíocfar ranníocaíochtaí pinsin i leith na tréimhse nuair a rinneadh an M&I.
28. Tá an ghlac-rogha do-chúlghairthe agus, tar éis do mhúinteoir roghnú amhlaidh, ní féidir le múinteoir an ceanglas gan dualgais M&I a chomhlíonadh a roghnú arís.
29. Ní mór do mhúinteoir incháilithe ar mian leis nó léi an ghlac-rogha a fheidhmiú an fhoirm ag Aguisín 2 a chomhlánú agus a chur chuig Príomhoide na scoile / Ceann an Ionaid ar an gcéad dul síos. Is é an spriocdháta chun foirmeacha a chur isteach ná an **Aoine 11 Lúnasa 2017**. Ba cheart don mhúinteoir cóip den fhoirm chomhlánaithe a choimeád. Beidh iarratais a fhaigheann an Príomhoide /Ceann an Ionaid tar éis an spriocdháta atá luaite sa Chiorclán seo neamhbhailí agus ní ghníomhófar ina leith. Tá an múinteoir ar leith freagrach as a chinntiú go gcuirtear an t-iarratas comhlánaithe ar ais chuig an bPríomhoide / chuig Ceann an Ionaid faoin spriocdháta. Ní féidir leis an Roinn / leis an mBord Oideachais agus Oiliúna aon fhreagracht a ghlacadh as foirm a bheith curtha ar ais níos déanaí ná sin ag múinteoir.
30. Ba chóir do Phríomhoidí scoileanna Bhoird Oideachais agus Oiliúna/ Cinn Ionad na foirmeacha a chur sa phost chuig rannóg Acmhainní Daonna an Bhoird Oideachais agus

Oiliúna a luaithe agus is féidir agus faoin Aoine 25 Lúnasa 2017 ar a dhéanaí. Ba chóir don scoil cóip den fhoirm chomhlánaithe a choimeád.

31. Ba chóir do Phríomhoidí Iarbhunscoileanna Deonacha agus Phobalscoileanna & Scoileanna Cuimsitheacha na foirmeacha a chur sa phost chuig:

Foirmeacha Scar-Rogha/Glac-rogha na Scéime M&I,
Párolla Múinteoirí Iarbhunscoile,
An Roinn Oideachais agus Scileanna,
Corr na Madadh,
Baile Átha Luain,
Co. na hIarmhí

a luaithe is féidir ach faoin Aoine **25 Lúnasa 2017** ar a dhéanaí. Ba cheart don scoil cóip den fhoirm chomhlánaithe a choimeád.

AGUISÍN 1

FOIRM DON SCAR-ROGHA

Ainm:	
Uimhir Phárolla an Mhúinteora (ní uimhir chláraithe na Comhairle Múinteoireachta):	
Ainm na Scoile:	
Seoladh na Scoile:	
Uimhir Rolla na Scoile:	

Deimhním go bhfuil mé/ go raibh mé fostaithe mar mhúinteoir le linn scoilbhliain 2016/17 agus go bhfuilim clúdaithe ag Comhaontú Bhóthar Lansdúin. Tá téarmaí Chiorclán 0047/2017 na ROS léite agam agus tuigim iad. Creidim go bhfuil íosthréimhse 15 bliana seirbhíse múinteoireachta bhreisíoch agam mar a leagtar amach sa Chiorclán. Is mian liom an scar-roghnú ón gceanglas dualgais mhaoirseachta agus ionadaíochta a chomhlíonadh le héifeacht ó 1 Meán Fómhair 2017 de réir fhorálacha Chiorclán 0047/2017. Glacaim leis go bhfuil an scar-rogha neamh-inchúlghairthe agus tar éis dom roghnú amhlaidh nach féidir liom an rogha sin a athrú dá éis sin. Deimhním go dtuigim, agus go nglacaim leis, go mbeidh mar thoradh ar mo chinneadh roghnú scaradh le dualgais mhaoirseoireachta agus ionadaíochta, go laghdófar mo thuarastal ar bhonn leanúnach go dtí go dtéim ar scor. Tuigim, agus glacaim leis, go mbeidh mar thoradh iarmhartach ar mo chinneadh, go laghdófar mo chnapshuim scoir agus mo phinsean tar éis dom dul ar scor.

Síniú: _____

Dáta: _____

Scoileanna/ Ionaid Bhoird Oideachais agus Oiliúna: Ba chóir do mhúinteoirí atá fostaithe ag Boird Oideachais agus Oiliúna an fhoirm seo a chomhlánú agus a chur faoi bhráid Phríomhoide na scoile/Cheann an Ionaid. Is í an Aoine 11 Lúnasa 2017 an spriocdháta chun foirmeacha a chur chuig an bPríomhoide / chuig Ceann an Ionaid. Ba chóir don mhúinteoir cóip den fhoirm chomhlánaithe a choimeád. Ba chóir don Phríomhoide/Ceannasaí Ionaid ansin an fhoirm a chur sa phost chuig rannóg Acmhainní Daonna an Bhoird Oideachais agus Oiliúna a luaithe is féidir agus faoin Aoine 25 Lúnasa 2017 ar a dhéanaí. Ba chóir don scoil cóip den fhoirm chomhlánaithe a choimeád.

Iar-bhunscoileanna Deonacha, Pobalscoileanna agus Scoileanna Cuimsitheacha: Ba chóir do mhúinteoirí atá fostaithe in Iar-bhunscoileanna Deonacha, i bPobalscoileanna agus i Scoileanna Cuimsitheacha an fhoirm seo a chomhlánú agus a chur faoi bhráid Phríomhoide na scoile. Is í an Aoine 11 Lúnasa 2017 an spriocdháta chun foirmeacha a chur chuig an bPríomhoide. Ba chóir don mhúinteoir cóip den fhoirm chomhlánaithe a choimeád. Ba chóir don Phríomhoide ansin an fhoirm a chur sa phost chuig: Foirmeacha Scéim Scar-Rogha M&I, Párolla na nIar-Bhunmhúinteoirí, An Roinn Oideachais agus Scileanna, Corn na Madadh, Baile Átha Luain, Contae na hIarmhí a luaithe is féidir agus faoin Aoine 25 Lúnasa 2017 ar a dhéanaí. Ba chóir don scoil cóip den fhoirm chomhlánaithe a choimeád.

Beidh iarratais a gheobhaidh an Príomhoide/ Ceann an Ionaid tar éis an spriocdháta atá luaite thuas neamhbhailí agus ní ghníomhófar ina leith. Tá an múinteoir ar leith freagrach as a chinntiú go gcuirtear an t-iarratas comhlánaithe ar ais chuig an bPríomhoide/ chuig Ceann an Ionaid faoin spriocdháta. Ní féidir leis an Roinn/BOO aon fhreagracht a ghlacadh as foirm a bheith curtha ar ais níos déanaí ná sin ag múinteoir.

AGUISÍN 2

FOIRM DON SCAR-ROGHA

Ainm:	
Uimhir Phárolla an Mhúinteora (ní uimhir chláraithe na Comhairle Múinteoireachta):	
Ainm na Scoile:	
Seoladh na Scoile:	
Uimhir Rolla na Scoile:	

Tá téarmaí Chiorclán 0047/2017 ROS léite agam agus tuigim iad. Deimhním gur roghnaigh mé scaradh le dualgais M&I faoi Chiorclán 0006/2014, go gclúdaíonn Comhaontú Bhóthar Lansdúin mé, agus gur mian liom roghnú a bheith rannpháirteach sa cheanglas dualgais M&I a dhéanamh le héifeacht ón 1 Meán Fómhair 2017 de réir fhorálacha Chiorclán 0047/2017. Glacaim leis go bhfuil an ghlac-rogha do-chúlghairthe agus tar éis dom roghnú amhlaidh nach féidir liom scaradh as an rogha dualgais mhaoirseachta agus ionadaíochta a chomhlíonadh. Tuigim, agus glacaim leis, go bhfuil ranníocaíochtaí pinsin iníoctha ar an tuarastal a gheobhaidh mé. Tuigim, agus glacaim leis, nach bhfuil an ghlac-rogha ar bhonn inphinsin ach amháin nuair a chomhlíonaim dualgais M&I go ceann 10 mbliana ar a laghad roimh dhul ar scor agus go bhfuil sí ar bhonn neamh-inphinsin sa chás nach gcomhlíonaim an ceanglas seirbhíse 10 mbliana seo.

Síniú: _____

Dáta: _____

Scoileanna/ ionaid Bhoird Oideachais agus Oiliúna: Ba chóir do mhúinteoirí atá fostaithe ag Boird Oideachais agus Oiliúna an fhoirm seo a chomhlánú agus a chur faoi bhráid Phríomhoide na scoile/Cheann an Ionaid. Is í an Aoine 11 Lúnasa 2017 an spriocdháta chun foirmeacha a chur chuig an bPríomhoide / chuig Ceann an Ionaid. Ba chóir don mhúinteoir cóip den fhoirm chomhlánaithe a choimeád. Ba chóir don Phríomhoide/Ceann an Ionaid ansin an fhoirm a chur sa phost chuig rannóg Acmhainní Daonna an Bhoird Oideachais agus Oiliúna a luaithe is féidir agus faoin Aoine 25 Lúnasa 2017 ar a dhéanaí. Ba chóir don scoil cóip den fhoirm chomhlánaithe a choimeád.

Iar-bhunscoileanna Deonacha, Pobalscoileanna agus Scoileanna Cuimsitheacha: Ba chóir do mhúinteoirí atá fostaithe in Iar-bhunscoileanna Deonacha, i bPobalscoileanna agus i Scoileanna Cuimsitheacha an fhoirm seo a chomhlánú agus a chur faoi bhráid Phríomhoide na scoile. Is í an Aoine 11 Lúnasa 2017 an spriocdháta chun foirmeacha a chur chuig an bPríomhoide. Ba chóir don mhúinteoir cóip den fhoirm chomhlánaithe a choimeád. Ba chóir don Phríomhoide ansin an fhoirm a chur sa phost chuig: Foirmeacha Scéim Scar-Rogha M&I, Párolla na nIar-Bhunmhúinteoirí, An Roinn Oideachais agus Scileanna, Corn na Madadh, Baile Átha Luain, Contae na hIarmhí a luaithe is féidir agus faoin Aoine 25 Lúnasa 2017 ar a dhéanaí. Ba chóir don scoil cóip den fhoirm chomhlánaithe a choimeád.

Beidh iarratais a gheobhaidh an Príomhoide/ Ceann an Ionaid tar éis an spriocdháta atá luaite thuas neamhbhailí agus ní ghníomhófar ina leith. Tá an múinteoir ar leith freagrach as a chinntiú go gcuirtear an t-iarratas comhlánaithe ar ais chuig an bPríomhoide/ chuig Ceann an Ionaid faoin spriocdháta. Ní féidir leis an Roinn/BOO aon fhreagracht a ghlacadh as foirm a bheith curtha ar ais níos déanaí ná sin ag múinteoir.